

L'architectura sco art

■ (cc) La nova exposiziun «Punct da vista» en il Museum d'art dal Grischun a Cuira è de-
ditgada a «150 onns fotografia
d'architectura en il Grischun».

Dals 16 da favrer fin ils 12 da
matg 2013 dat l'exposiziun in-
visita dal svilup da l'architectura dal
chantun. Per quest intent pudais
Vus vesair sut www.gr.ch in nov
video da la chanzlia chantunala.
Il Grischun posseda ina cultura
architectonica fitg sviluppada
ch'el tgira fin al di dad oz. Adina
puspè procura la cuntrada speci-
fica per sfidas spezialas, e fin al di
dad oz è sa sviluppà in agen dis-

curs architectonic. Quest discurs
è vegnì reflectà cuntinuadamain
durant ils ultims 150 onns en la
fotografia. L'istorgia da la foto-
grafia en il Grischun cumenza
cun il turissem. Per l'ina ha il tu-
rissem purtà cun sai la fotografia,
per l'autra han ins er stuì dumag-
nar incumbensas da construcziun
spezialas pervia da l'avertura stra-
dala e turistica. Questas incum-
bensas han puspè procurà per
motivs attractivs per il fotograf.
Sco che l'architectura ha survegnì
durant ils ultims 150 onns ina
gronda indipendenza en il chan-
tun è er la fotografia s'emancipa-

da. Ed entant che las structurass
d'abitadi ch'eran creschidas isto-
ricamain èn vegnidas midadas
rasantamain durant il 20avel
tschientaner hai gì num da du-
magnar quest svilup en l'archi-
tectura ed en ils maletgs e da chat-
tar ina nova lingua per omadus
champs. En l'exposiziun cum-
plexiva sa tracta da mussar e
d'analisar il svilup da l'architectu-
ra en il chantun Grischun, uschia
sco ch'el vegn intermedià tras la
fotografia. Tge incumbensas da
construcziun stattan en il center
e tge aspect han ellas sin il maletg
fotografic?